



Tuhaqtauyukhaq

Nunavut Atuliqtuq Itqutikhaq Nunaryuamut Piksakhainnik Ihuaqhautikhamik

IQALUIT, Nunavut (Juun 1 2007) – Kavamait Nunavut paannariyait Nunavunmi nunallaat ikayuriangani itqutikhaq nunaryuamut piksakhainnik piksaliurlutik tamainnut Nunavunmiut. Kavamatkut atuqyaat itqutikhaq nunaryuamut piksaliurutikhainnik ayuiqhautikhaniglu atuni nunallaamut Nunavunmiut piyaangani nutqaqhimaittumik, nunamingni akikittuniglu piksaliurutikhanik itqutikhaq nunaryuamut ilakhaanik.

“Tatja amiriniq piyaulirmat tamaani nunaryuami, itqutikhaq nunaryuamut iharianaqhiut naunaitkutikhat aquiliraangamik ahinut,” Ministauyuq Nunatiqhimayunut Ed Picco. “Itqutikhami nunaryuamut piksaliurvikhaqarniq nunaallaani nakuuyunik piqarniaqtuq imaa qanuq hivitunianut Nunavunmiut nalaullugu itqutikhaq nunaryuamut titiqqat iniqtiriangani.”

Haamlatkut kaantulaaqaqtut Kavamatkunnut Nunavut piksaliuriangani aviktuqhimayuni nunani inuit naunaitkutakhainnik hapkuninngatut akhaluutituriangani laisunik naunaitkutallu titiqqat inungmut. Atuqtittiniq haamlatkunnut piksaliutininik ayuiqhautikhaniglu iharianaqtut piksaliuriami itqutikhaq nunaryuamut iliyakhanik ikayuutigiyat Nunavunmiunut.

“Paannariingniqut haamlatkunnik iharianaqpiqaqtumik ikayuutikhanik piyaulaarniaqtuq Nunavunmiunut ihariagikpagu, kinguvarnaittumik,” uqaqtuq Picco.

Nunallaq atuni pivaktut piksaliurutininik itqutikhaq nunaryuamut pikhainnik ilaqaqtuninik piksaliunmik, aatjikkutaliurutimik, qulliq kanaalik pingahunik tun’ngavia, tunuani ittukhaq, ikhivautaq kipyautikharlu mikiyuq. Hamna atauttimut pihimayuq talvalu kayumiktumik piksaliulaaqtuq kalalingnik piksaliuqtaularluni.

Haamlatkut akikhanik piniaqtut avatqunngillugu \$40.00 atauhirmut itqutikhaq nunaryuamut naunaitkutamik aturiangani hamna akikhaanut tamayat uumunga atuqpagainnut.

Maligaliuqti Quttikturmut Levi Barnabas, una akhuurutigivagaa haffuminnga itqutikhaq nunaryuamut uqaqpaktuq, “Uvani niruaqpaktaanga inuit unghingniani ahini nunanit Kanatami atuqtaaliqtut aatjikkutainnik ikayuutit hapkua atuqpagaita aallat Kanatamiutat. Quviahuktunga kavamavut ikayurmata uvuuna piqutauyumut ikayuutikhakkut .”

- 30 -

Kangiqhittiarumagunni hivayatjavat:
Wende Halonen, Tuhaqtauykhaliqiyi
☎ (867) 975-6046 ✉ whalonen@gov.nu.ca